

T 5237.48 / 0233

CHINESE-JAPANESE LIBRARY
HARVARD-YENCHING INSTITUTE
AT HARVARD UNIVERSITY

NOV 1 1957

58

五十八

杜荀鶴文集序

太常博士脩國史顧雲撰

大順初帝命小宗伯河東裴公掌邦貢次二年
遙者來隱者出異人俊士始大集都下於群進
士中得九華山人杜荀鶴拔居上第諸生謝恩
日列坐既定公揖生謂曰聖上嫌文教之未張
思得如高宗朝射洪拾遺陳公子昂作詩出沒二
雅馳驟建安削苦澁僻碎畧淫靡淺切破豔冶
之堅陣擒彫巧之酋帥皆摧撞折角崩潰解散
掃蕩辭場廓清文祿然後戴容州劉隨州王江

寧率其徒揚鞭按轡相與呵樂來朝于正道矣
以生詩有陳體可以潤國風廣王澤固擢生以
塞詔意生勉爲中興詩宗生謝而退明年寧親
江表以僕故山偕隱者出平生所著五七言三
百篇簡其雅麗清省激越之句能使貪吏廉邪
臣正父慈子孝兄良弟悌人倫之紀備矣其壯
語大言則決起逸發可以左攬工部袂右拍翰
林肩吞賈喻八九于宵中曾不蠱介或情動於
中則極思冥搜神遊希夷形死枯木五聲勞於
呼吸萬象貧於挾別信詩家之雄傑者也美哉

裴公之知人爲不誣矣於戲旌別淑慝史臣之
職也僕幸爲之叙錄乃分上中下三卷目曰唐
風集視其人齒尚壯才力未盡謳吟之興方酣
俟其繼作得如周頌魯頌者別爲之次序景福
元年夏太常博士脩國史顧雲撰序

杜荀鶴文集目錄小貝

重刊日百計

第一卷

山寺人杜荀鶴

雜詩

春宮怨

訪道者不遇

旅中卧病

泛瀟湘

蠶婦

送人遊吳

送陳昉歸麻川

感遇

贈李鐔

旅泊遇叛亂

山寺老僧

出山

浙中逢詩友

贈張明府

雪李韞

贈李蒙叟

題劉處士草堂

寄詩友

秋宿臨江驛

閩中秋思

送友人遊吳越

春閨怨

題矮桂

八駿圖

贈僧

使回有寄

葉一鈞叟

和吳太守山村二首

江下初秋寓泊

投從叔補闕

贈張員外小兒

重陽日有作

入關寄友人

送李錡

經廢宅

登天台寺

途中春

入關寄舍弟

贈歐陽明

贈臨上人

秋夕

溪興

過巢湖

題戰島僧居

別衡州牧

送人遊江南

傷病叟

遊茅山

讀友人詩卷

寄從叔

寄李縛

遊桂嶺

送周繇

贈老僧

賀顧雲

舟行即事

亂後山居

寄同志

安陸遇兵寇

釣叟

登友人林亭

寄姚中丞

溪岸秋思

郊居即事

寄詩友

題田翁家

長安冬日

登唐興寺水閣

秋日閑居

題覺禪和

秋感

寄友人

自述

題江山寺

寄舍弟

下第投所知

題德玄上人院

春日山居

春日旅寓

懷廬舊隱

投裴侍郎

登樓遇雨

田翁

雨夜逢詩友

寄顧雲

贈麋明府

望遠

冬末投裴侍御

春日行次錢塘

贈金明府

早春對雪

亂後山中作

旅遇書事

舟行晚泊

聞賊退

投崔尚書

書事投所知

秋日湖外書事

題宗上人舊院

亂後逢高負外

泗上客思

寄同志

第二卷

雜詩

贈友赴辟命

感春

題花木障子

下第出關

懷紫閣隱者

題會上人院

亂後書事

贈來明甫出二子請

詩

送黃補南遷

送貢賓登第後歸

近試投所知

觀牡丹

送友人牧江州

亂後投張侍郎

辭座主侍郎

下第投所知

哭方干

秋日泊浦

別從叔

送人南遊

白髮吟

經賈島墓

秋夜晚泊

送舍弟

哭陳陶

寄鄭貞外

將歸山逢友人

哭具韜墓

塞上

晚春寄同年

長安春感

貽鈞者

贈崔少府

題悟空上人院

經費徵君墓

溪居叟

與友人吟詩

送僧

讀張僕射詩

題村舍

題王處士書齋

送九華道者遊茅山

送韋豸先輩

逢張喬

秋晨有感

寄李處士

早發

題仇處士郊居

酬張曙

經嚴陵釣臺

亂後逢李叔

題閑上人院

關試後別同人

第三卷

雜詩

別鍾尚書

題護國大師塔

春日對雪

晚泊金陵水亭

錢塘別羅隱

馬上作

山中貽同志

懷九華舊隱

鷓鴣

江岸秋思

哭劉德仁

山中對雪

和題山居水閣

弔李翰林

下第東歸

秋宿詩僧房

獻羅著作

遣懷

長安道中有作

題開元寺閣

出關投孫侍御

送項山人

題隱士山居

題江寺禪和

題弟姪書堂

寄孟明府

戲贈漁家

登城有作

秋日山中

辭楊侍御

題汪氏茅亭

送人宰吳縣

讀友人詩

登山寺

辭九江李郎

江南逢先輩

秋日寄吟友

與從弟話別

送友人遊南海

讀諸家詩

贈聶尊師

宿村舍

喜從弟遠至

題新鴈

送僧歸國清寺

題汪明府山居

下第東歸故園

題東林願公院

山居自遣

贈友人赴辟命

亂後遇友人

旅感

寄武明府

湘秋日呈所知

離家

苦吟

閩中別所知

塞上傷戰士

訪獨孤處士

哭友人

旅舍遇雨

新栽竹

贈休糧僧

送吳銑

亂後居山

題著禪師

送海禪和歸山

再過孫侍後山

亂後宿南陵寺

投鄭先輩

途中有作

和舍弟題書堂

送蜀客遊維陽

旅遇

途中春

送人歸淝上

春日閑居即事

自遣

寄幕中二從事

聞子規

辭鄭外負入關

書齋即事

雋陽道中

再逢汪處士

喜與故交宿話

入關因別舍弟

贈鈞者

送友人入關

送友人宰潯陽

秋日卧病

叙吟

滎陽寄諸弟

登禪師水閣

秋夜苦吟

秋夜聞砧

贈祖肩

觀棊

閑居即事

送人寄德清

自叙

再經湖城縣

解空閑二公

寄竇處

寄温州宋尚書

題歷山舜祠

恩門致書及山居

寄崔博士

李昭象云見訪

經馬當廟三絕

杜荀鶴文集卷第一

唐風集

雜詩

春宮怨

早被嬋娟悞欲粧
臨鏡慵承恩不在貌
教妾若為容
風暖鳥聲碎日高花影重
年年越溪女相憶採芙蓉

訪道者不遇

寂寂白雲門尋真不遇真
祇應松上鶴便是洞中人
藥圃花香異泉沙鹿跡新題
詩留姓字他日此相親

日北卧旅中卧病

秋來誰料病相縈枕上心猶筭去程風射破窓
燈易滅月穿疎屋夢難成故園何啻三千里新
鴈纔聞一兩聲我自與人無舊分非干人與我
無情芙蓉

爲容風冬末同友人泛瀟湘

殘臘泛舟何處好最多吟興是瀟湘就船買得
魚偏美蹋雪沽來酒倍香猿到夜深啼嶽麓鴈
知春近別衡陽與君剩採江山景裁取新詩入
帝鄉

蠶婦

粉色全無飢色加豈知人世有榮華年年道我
蠶辛苦底事渾身著紵麻

送人遊吳

君到姑蘇見人家盡枕河古宮閑地少水港小
橋多夜市賣菱藕春船載綺羅遙知未眠月鄉
思在漁歌

送陳昉歸麻川

麻川清見底似入武陵溪兩岸山相向三春鳥
亂啼酒旗和柳動僧屋與雲齊即此吾鄉路懷

君夢不迷

感遇

大海波濤淺小人方寸深海枯終見底人死不
知心

贈李鐔

鐔自維揚遇亂入中山

君行君文天合知見君如此我興悲祗殘三口
兵戈後纔到孤村雨雪時著卧衣裳難辦洗旋
求糧食莫供炊地爐不暖柴枝濕猶把蒙求授
小兒

旅泊遇郡中叛亂示同志

握手相看誰敢言軍家刀劍在腰邊遍搜寶貨
無藏處亂殺平人不怕天古寺拆為修寨木荒
墳開作甃城甌郡侯逐出渾閑事正是鑾輿幸
蜀年

山寺老僧

草屐無塵心地閑靜隨猿鳥過寒暄眼昏齒落
經看遍却向僧中揔不言

出山

病眼看春榜文場公道開朋人登第盡白髮出
山來處世曾無過唯天合是媒長安不覺遠期

遂一名迴

浙中逢詩友
到處有同人
多爲賦與文
詩中難得友
湖畔喜逢君
凍把城根雪
風開嶽面雲
苦吟吟不足
爭忍話離群

贈秋浦張明府

君爲秋浦三年宰
萬慮關心兩鬢知
人事旋生當路縣
吏才難展用兵時
農夫背上題軍號
賈客船頭插戰旗
他日親知問官况
但教吟取杜家詩

雪

風攪長空寒骨生
先於曉色報窓明
江湖不見飛禽影
巖谷惟聞折竹聲
巢穴幾多相似處
路岐兼得一般平
擁袍公子莫言冷
中有樵夫跣足行

贈李蒙叟

在我成何事
逢君更勸吟
縱饒不得力
猶勝別留心
凡事有興廢
詩名無古今
百年能幾日
忍不惜光陰

題廬嶽劉處士草堂

仙境閑尋採藥翁草堂留話一宵同若看山下
雲深處直是人間路不通泉領藕花來洞口月
將松影過溪東求名心在閑難逐明日馬蹄塵
土中

山中寄詩友

山深長恨少同人覽景無時不憶君庭菓自從
霜後熟野猿頻向屋邊聞琴臨秋水彈明月酒
就寒山酌白雲仙桂筭攀攀合得平生心力盡
於文

秋宿臨江驛

南來北去二三年去年來兩鬢班舉世盡從
愁裏老誰人肯向死前閑漁舟火影歸寒浦驛
路鈴聲夜過山身事未成歸未得聽猿鞭馬過
長關

閩中秋思

雨勻紫菊叢叢色風弄紅蕉葉葉聲北畔是山
南畔海祗堪圖畫不堪行

送友遊吳越

去越從吳過吳疆與越連有園多種菊無水不
生蓮夜市橋邊火春風寺外船此中偏重客君

去必經年

春閨怨

朝喜花艷春暮悲花委塵不悲花落早悲妾似
花身

題瓦棺寺真上人院矮檜

天生仙檜是長材栽檜希逢此最低一似舊山
來砌畔幾番凡木與雲齊迥無斜影教僧躡免
有閑枝引鶴棲今日偶題題似著不知題後更
誰題

八駿圖

丹雘傳真未得真那知筋骨與精神祇今恃駿
馮毛色綠耳驊騮賺殺人

贈僧

利門名路兩何憑百歲風前短焰燈祇恐爲僧
僧不了爲僧得了盡輸僧

出常山界使迴有寄

自小即南北未如今日離封疆初盡處人使却
迴時開口有所忌此心無以爲行行復垂淚不
稱是男兒

釣叟

茅屋深灣裏釣船行竹門經營衣食外猶得弄
兒孫

和吳太守罷郡山村偶題

二首

罷郡饒山與村家不惜過官情隨日薄詩思入
秋多野獸眠低草池禽浴動荷眼前餘政在不
似有干戈
快活田翁輩常言化育時縱饒稽歲月猶說向
孫兒茅屋梁和節茶盤菓帶枝相傳終不忘何
必立生祠

江下初秋寓泊

濛濛煙雨蔽江村江館愁人好斷魂自別家來
生白髮爲侵星起謁朱門也知柳欲開春眼爭
柰萍無入土根兄弟無書雁歸北一聲聲覺苦
於猿

投從叔補闕

吾宗不謁謁詩宗常仰門風繼國風空有篇章
傳海內更無親族在朝中其來雖愧源流淺所
得須憐雅頌同三十年吟到今日不妨私薦亦
成公

贈張負外兒

張公一子纔三歲聞客吟詩便出來喚物舌頭
猶未穩誦詩心孔迥然開天生便是成家慶年
長終爲間世才月裏桂枝知有分不勞諸丈作
梯媒

重陽日有作

一爲重陽上古臺亂時誰見菊花開偷擊白髮
真堪笑牢鎖黃金實可哀是箇少年皆老去爭
知荒塚不榮來大家拍手高聲唱日未沉山且
莫迴

入關寄九華友人

坐牀雖穩露蟬新便作東西馬上身醲酒却輸
耽睡客好山翻對不吟人無多志氣禁離別強
半年光屬苦辛篋裏篇章章頭上雪未知誰戀杏
園春

送李鐔遊新安

邯鄲李鐔才崢嶸酒狂詩逸難干名氣直不與
時輩洽醉來擬共天公爭孤店夜燒枯葉坐亂
時秋躡草霜行一間茅屋住不穩剛出爲人平
不平

經廢宅

人生當貴盛修德可延之不慮有今日爭教無
破時蘚班題字壁花發帶巢枝何況蒿原上荒
墳與折碑

登天台寺

一到天台寺高低景旋生共僧巖上坐見客海
邊行野色人耕破山根浪打鳴忙時向閑處不
覺有閑情

途中春

馬上覽春色丈夫慙淚垂一生看却老五字未
逢知酒力不能久愁根無可醫明年到今日公

道與誰期

入關歷陽道中寄舍弟

求名日苦辛日望日榮親落葉山中路秋霖馬
上人晨昏知汝道詩酒衛吾身自笑拋麋鹿長
安擬醉春

贈歐陽明府

賢宰宰斯邑政聞閭里間都緣民訟少長覺吏
徒閑帆落樽前浦鐘鳴枕上山迴舟亦惆悵數
宿釣魚灣

贈臨上人

不計禪兼律終須入悟門解空非有自所得是
無言眼豁浮生夢心澄大道源今來習師者多
鎖教中猿
秋夕
世間多少能詩客誰是無愁得睡人自我夜來
霜月下到頭吟魄始終身
溪興
山雨溪風卷釣絲瓦甃蓬底獨斟時醉來睡著
無人喚流下前灘也不知

過巢湖

世人貪利復貪榮來向湖邊始至誠男子登舟
與登陸把心何不一般行

題戰島僧居

在江之心

師愛無塵地江心島上居接船求化慣登陸赴
齋踈載土春栽樹拋生日餒魚入雲蕭帝寺畢
竟欲何如

別衡州牧

朝別使君門暮投江上村從來無舊分臨去望
何恩行計自不定此心誰與論秋猿叫寒月祇
欲斷人魂

送人遊江南

滿酌勸君酒勸君君莫辭能禁幾度別即到白
頭時晚岫無雲蔽春帆有燕隨男兒兩行淚不
欲等閑垂

傷硤石縣病叟

無子無孫一病翁將何筋力事耕農官家不管
蓬蒿地須勒王租出此中

遊茅山

步步入山門仙家鳥徑分漁樵不到處麋鹿自
成群石面迸出水松頭穿破雲道人星月下相

次禮茅君

讀友人詩卷

冰齒味瑤軸祇應神鬼知坐當群靜後吟到月
沉時雪峽猿聲健風檉鶴立危篇篇一字字誰
復更言詩

寄從叔

三族不當路長年猶布衣苦吟天與性直道世
將非鴈夜愁癡坐漁鄉老憶歸爲儒皆可立自
是拙時機

寄李溥

知我如君者不妨身晚成但從時輩笑自得古
人情共莫更初望俱期立後名男兒且如此何
用嘆平生

冬末自長沙遊桂嶺留獻所知

家隔重湖歸未期更堪南去別深知前程筭到
山多處上馬愁逢歲盡時四海內無容足地一
生中有苦心詩朱門祗見朱門事獨把孤寒問
阿誰

送福昌周繇少府歸寧兼謀隱

少見古人無遠慮如君真得古人情登科作尉

官雖小避世安親祿已榮一路水雲生隱思幾
山猿鳥認吟聲知君未作終焉計要著文章待
太平

贈老僧

童子爲僧今白首暗鋤心地種閑情時將舊衲
添新線披坐披行過一生

賀顧雲侍御府主與子弟奏官

勅下時年七十

青桂朱袍不賀兄賀兄榮是見兒榮孝經始向
堂前徹官誥當從幕下迎戲把藍袍苞果子嬌
將竹笏惱先生自慚亂世無知己弟姪鞭牛傍

隴耕

舟行即事

年少髭鬚雪欲侵別家三日幾般心朝隨賈客
憂風色夜逐漁翁宿葦林秋水鷺飛紅蓼晚暮
山猿叫白雲深重陽酒熟茱萸紫却向江頭倚
棹吟

亂後山居

從亂移家擬傍山今來方辦買山錢九州有路
休爲客百歲無愁即是仙野叟並田鋤暮雨溪
今同石立寒煙他人似我還應少如此安貧亦

荷天

山居寄同志

茅齋深僻絕輪蹄門徑綠莎細接溪垂釣石臺
依竹壘待賓茶竈就巖泥風生谷口猿相叫月
照松頭鶴並棲不是無端過時日擬從窻下躡
雲梯

將入關安陸遇兵寇

家貧無計早離家離得家來蹇滯多已是數程
行雨雪更堪中路阻兵戈幾州戶口看成血一
旦天心却許和四面煙塵少無處不知吾土自

如何

釣叟

田不曾耕地不鋤誰人閑散得如渠渠將底物
爲香餌一度擡竿一箇魚

夏日登友生書齋林亭

暑天長似秋天冷帶郭林亭盡不如蟬噪檻前
遮日竹鷺窺池面弄萍魚拋山野客橫琴醉種
藥家僮蹋雪鋤衆惜君才堪上第莫因居此與
名踈

寄臨海姚中丞

夏辭施旆已秋深永夕思量淚滿襟風月易班
搜句鬢星霜難改感恩心尋花洞裏連春醉望
海樓中徹曉吟雖有夢魂知處所去來多被角
聲侵

溪岸秋思

桑柘窮頭三四家挂罾垂釣是生涯秋風忽起
溪浪白零落岸邊蘆荻花

郊居即事投李給事

無祿奉晨昏閑居幾度春江湖苦吟士天地最
窮人書劍同三友蓬蒿外四隣相知不相薦何

以自謀身

寄詩友

別來春又春相憶喜相親與我爲同志如君能
幾人何時吟得力漸老事關身惟有前溪水年
年濯客塵

題田翁家

田翁真快活婚嫁不離村州縣供輸罷追隨鼓
笛喧盤餐同老少家計共田園自說身無事應
官有子孫

長安冬日

近臘饒風雪閑房凍坐時書生教到此天意轉
難知吟苦猿三叫形枯栢一枝還應公道在未
忍與山期

霽後登唐興寺水閣

一雨三秋色蕭條古寺間無端登水閣有處似
家山白日生新事何人得暫閑將知老僧意未
必戀松關

秋日閑居寄先達

到頭身事欲何爲窻下功夫鬢上知乍可百年
無稱意難教一日不吟詩風驅早雁衝湖色雨

挫殘蟬點柳枝自古書生也如此獨堪惆悵是
明時

題覺禪和

少見修行得似師茅堂佛像亦隨時禪衣衲厚
雲藏線夏臘高來雪印眉耕地誠侵連塚土伐
薪教護帶巢枝有時問着經中事却道山僧摠
不知

秋感

年年名路謾辛勤襟袖空多馬上塵畫戟門前
難作客釣魚船上易安身冷煙黏柳蟬聲老寒

清澄星雁叫新自是儂家無住處不關天地窄
於人

山中寄友

深山多隙地無力及耕桑不是營生拙都緣覓
句忙破窻嵐翳燭穿屋月侵床吾友應相笑辛
勤道未光

自述

四海欲行遍不知終遇誰用心常合道出語或
傷時擬作閑人老慙無識者嗤如今已無計祇
得苦於詩

題江山寺

江上山頭寺景留吟客船
遍遊銷一日重到是何年
沙鳥多翹足巖僧半露肩
爲詩多語澁喜此得終篇

寄舍弟

世亂信難通鄉心日萬重
弟兄皆嚮善天地合相容
大野陰雲重連城煞氣濃
家山白雲裏卧得最高峯

下第投知己

若以名場內誰無一軸詩
縱饒生白髮豈敢怨

明時知己雖然切春官未必私
寧教讀書眼不
有看花期

題德玄上人

剗得心來忙處閑閑中方寸濶
於天浮生自是無空性長壽何曾有
百年罷定磬敲松罅月解眠
茶煮石根泉我雖未似師披衲
此理同師悟了然

春日山居寄友人

野吟何處最相宜春景暄和好入詩
高下麥苗新雨後淺深山色晚晴時
半巖雲脚風牽斷平

野花枝鳥踏垂倒載干戈是何日近來麋鹿欲
相隨

春日旅寓

滿城羅綺拖春色幾處笙歌揭畫樓江上有歸
歸未得眼前花是眼前愁

懷廬嶽舊隱

一別三年長在夢夢中時躡石稜層泉聲入夜
方堪聽山色逢秋始好登巖鹿慣隨鋤藥叟溪
鷗不怕洗苔僧人間有許多般事求要身閑直
未能

投長沙裴侍郎

此身雖賤道長存非謁朱門謁孔門祇望至公
將卷讀不求朝士致書論垂綸雨結漁鄉思吹
木風傳雁夜魂男子受恩須有地平生不受等
閑恩

和友人見題山居

避時多喜葺居成七字君題萬象清開戶曉雲
連地白訪人秋月滿山明庭前樹瘦霜來影洞
口泉噴雨後聲有景供吟且如此筭來何必躁
於名

獻長沙王侍郎

文星漸見射台星，皆仰爲霖沃衆情。
天澤逼來逢聖主，辭林盛去得書生。
雲粧嶽色供吟景，月浩湘流遞政聲。
美化事多難諷誦，未知耕釣口分明。

春日登樓遇雨

忽地晴天作雨天，全無暑氣似秋間。
看看水沒來時路，漸漸雲藏望處山。
風趁鷺鷥雙出葦，浪催漁父盡歸灣。
一心準擬閑登眺，却被詩情使不開。

田翁

白髮星星筋力衰，種田猶自伴孫兒。
官苗若不平平納，任是豐年也受飢。

秋江雨夜逢詩友

故友別來三四載，新詩吟得百餘篇。
夜來江上秋一月，恨不相逢在雪天。

寄顧雲

省待前來別蘋洲，旅館中亂離心不定。
彼此信難通，侯國兵雖斂，吾鄉業已空。
秋來憶君夢，夜逐征鴻。

贈宣城麋明府

天下爲官者無君一軸詩數聯同我得當代遇
誰知年齒吟將老生涯說可悲何當拋手板隣
隱過危時

望遠

門前通大道望遠上高臺落日人行逝窮邊信
不來還聞戰得勝未見勅招迴却入機中坐新
愁織不開

冬末投長沙裴侍郎

欲露塵中事其如不易言家山一離別草樹師

春暄吹夢風天角啼愁雪嶽猿佇思心覺滿汀
以遠門軒

春日行次錢塘却寄台州姚中丞

豈謂無心求上第難安帝里爲家貧江南江北
閑爲客潮去潮來却老人兩岸雨收鶯語柳一
樓風滿角吹春花前不獨垂鄉淚曾是朱門寄
食身

贈秋浦金明府長

倚郭難爲宰非君即有私唯憑野老口不立政
聲碑苦甚求名日貧於未選時溪山竟如此利

得且吟詩

和高秘書早春對雪登樓見寄之什

天有惜花意恐花開染塵先教微下雪始放滿
城春且醉登樓客重期出郭人因酬郢中律霜
鬢數莖新

亂後山中作

自從天下亂日晚別庭闈兄弟團圓樂羈孤遠
近歸文章甘世薄耕種喜田肥直待中興後方
應出隱扉

旅寓書事

日日驚馬身事悽悽欲斷魂時清不自立髮白傷
誰門中路殘秋雨空山一夜猿公卿得見面懷
抱細難言

舟行晚泊江上寺

久勞風雨上禪客喜相依挂衲雖無分修心未
覺非日沉山虎出鐘動寺禽歸月上潮平後談
空漸入微

長林山中聞賊退寄孟明府

一縣今如此殘民數不多也知賢宰切爭柰亂
兵何皆自干戈達成思雨露恩應憐住山者頭

白未登科

投江上崔尚書

此生何路出塵埃猶把中才謁上才閉戶十年
專筆硯仰天無路認梯媒馬前霜葉催歸去枕
上邊鴻喚覺來若許登門換鬢鼠必應辛苦事
風雷

書事投所知

古陌寒風來去吹馬蹄塵旋上麻衣雖然干祿
無休意爭柰趨時不見機詩思趁雲從嶽涌鄉
心隨雁遶湖飛豈將骨肉輕離別未到人知未

得歸

秋日湖外書事

十五年來筆硯功祗今猶在苦貧中三秋客路
湖光外萬里鄉關楚邑東鳥逕杖藜山翳雨猿
林歌枕樹搖風朱門處處若相似此命到頭通
不通

題宗上人舊院

此院重來事事乖半欹茅屋草侵堦啄生鴉憶
啼松枿接果猿思嘯石崖壁上塵黏蒲葉扇牀
前苔爛筍皮鞋分明記得談空日不向秋風更

舊唐書
卷一百一
三
愴懷

亂後出山逢高負外

自從亂後別京關一入煙蘿十五年重出故山
生白髮却裝新卷謁清賢窓迴旅夢城頭角柳
結鄉愁雨後蟬名姓暗投心暗祝永期收拾向
門前

泗上客思

痛飲復高歌愁終不柰何家山隨日遠身事逐
年多沒雁雲橫楚兼蟬柳夾河此心閑未得到
處被詩磨

杜荀鶴文集卷第中

唐風集

雜詩

贈友人罷舉赴 辟命

罷却名場擬入秦南行無罪似流人縱經商嶺
非馳驛須過長沙弔逐臣舶載海奴鏢碎耳象
馳蠻女綵纏身如何待取丹青桂別赴嘉招作
上賓

感春

無况青雲有限身眼前花似夢中春浮生七十
今三十已是人間半世人

題花木障子

不假東風次第吹，筆勻春色一枝枝。
由來畫看勝栽看，免見朝開暮落時。

下第出關投鄭拾遺

丹青柱有枝未折，未爲遲況是孤寒。
士兼行苦澁詩，杏園人醉日關路獨歸時。
更卜深知意將來擬薦誰。

塞上

草白河冰合，蕃戎出掠頻。
戍樓三急號，探馬一條塵。
戰士風霜苦，將軍雨露新。
封侯不由此，何以慰征人。

以慰征人

別敬侍郎

交道有寒暑，在人無古今。
與君中夜話，盡我一生心。
所向未得志，豈唯空解吟。
何當重相見，舊隱白雲深。

山中寡婦

夫因兵死守蓬茅，麻苧衣衫鬢髮焦。
桑柘廢來猶納稅，田園荒後尚徵苗。
時挑野菜和根煮，旋斫生柴帶葉燒。
任是深山更深处，應無計避征徭。

送青陽李明府

善政無慚色吟歸似等閑
惟將六幅絹寫得九
華山求理頭空白離京
債未還仍聞猿與鶴都
在一船間

將遊湘湖有作

一家相別意不得不潸然
遠作南方客初登上
水船嶽鐘思冷夢湘月
少殘篇便有歸來計風
波亦隔年
送姚庭珪
脫衣將換酒對酌話何之
雨後秋蕭索天涯晚

別離人生無此恨鬢色不成絲
未得重相見看
君馬上時

訪蔡融因題

杖藜時復過荒郊來到君家
不忍拋每見見苦心
修好事未嘗開口怨貧交
一溪寒色魚收網半
樹殘陽鳥傍巢必若天公
主人事肯交吾子委
衡茅

閑居書事

竹門茅屋帶村居數畝生涯似有餘
鬢白祇因秋鍊句眼昏多爲夜抄書
雁驚風浦魚燈動猿

叫霜林橡實踈待得功成即西去時清不問命
何如

投李大允

自小僻於詩篇篇恨不奇苦吟無暇日華髮有
多時進取門難見升沉命未知秋風夜來急還
恐到京遲

貽里中同志

鄉里爲儒者唯君見我心詩書常共讀雨雪亦
相尋貧賤志氣在子孫交契深古人猶晚達况
未鬢霜侵

秋日旅舍卧病呈所知

秋色上庭枝愁懷切向誰青雲無執力日華髮有
狂時枕上聞風雨江南繫別離如何吟到此此
道不聞知

秋宿山館

山館坐待曉夜長吟役神斜風吹敗葉寒燭照
愁人蘊蓄天然性澆訛世惡真男兒出門志不
獨爲謀身

送人遇亂歸湘中

家枕三湘岸門前有釣磯漁竿壯歲別鶴髮亂

時歸嶽暖無猿叫春深有燕飛平生書劍在莫
便學忘機

友人贈舍弟依韻戲和

吾家此弟有何知多愧君開道業基不覺裏頭
成大漢昨來竹馬作童兒還緣世遇兵戈鬧祇
恐身修禮樂遲及見和詩詩自好礪公不到更
何時

顧雲侍郎出二子請詩因遺一絕

二雛毛骨秀仍竒小小能吟大大詩想得月中
仙桂樹各從生日長新枝

秋夕病中

壞屋不眠風雨夜故園無信水雲秋病中枕上
誰相問一一蟬聲槐樹頭

宿欒城驛却寄常山張書記

一更更盡到三更吟破離心句不成數樹秋風
滿庭月憶君時復下堦行

贈老僧

衆僧尊夏臘靈嶽遍曾登度水手中杖何山溪
畔藤心空默是印眉白雪爲稜自得巡方道棲
禪老未能

亂後逢村叟

經亂衰翁居破村
村中何事不傷魂
因供寨木無桑柘
爲著鄉兵絕子孫
還似平寧徵賦稅
未嘗州縣略安存
至於雞犬皆星散
日落前山獨倚門

贈元上人

多少僧中僧行高
偈成流落遍僧抄
經窓月靜灘聲到
石榻人稀蘚色交
垂露竹黏蟬落殼
窸窣雲松帶鶴棲
巢煮茶童子閑勝我
猶得依時把磬敲

下第東歸道中作

一迴落第一寧親
多是途中過却春
心火不銷霜鬢雪
眼泉難濯滿衣塵
苦吟風月唯添病
遍識公卿未免貧
馬壯金多有官者
榮歸却笑讀書人

湘江秋夕

二湘月色三湘水
浸骨寒光似練鋪
一夜塞鴻來不住
故鄉書信半年無

旅懷

蒹葭月冷時聞雁
楊柳風和日聽鶯
水涉山行

二年客就中偏怕雨船聲

夏日留題

此中偏稱夏中遊時有風來暑氣收
澗底松搖千尺雨庭中竹撼一窻秋
求猿句寄深山寺乞鶴書傳海畔洲
閑與先生話身事浮名薄宦揔悠悠

傷病馬

此馬堪憐力壯時細勻行步恐塵知
騎來未省將鞭觸病後長教覓藥醫
顧主強擡和淚眼就人輕刷帶瘡皮
祗今筋骨渾全在春暖莎青放

未遲

秋夕

寒雨蕭蕭燈焰清燈前孤客難爲情
兵戈闌別鄉國鴻雁過時思弟兄
冷極睡無離枕夢苦多吟有徹雲聲
出門便作還家計直至如今計未成

送僧赴黃山沐湯泉兼參禪宗長老

聞有湯泉獨去尋一甌一鉢一無金
不愁亂世兵相害却喜寒山路入深
野老禱神鷄噪廟獵人衝雪鹿驚林
患身好是逢禪主水洗皮膚語

洗心

哭山友

十載同棲廬嶽雲寒燒枯葉夜論文在生夫識
公卿面至死不離麋鹿群從見蓬蒿叢壞屋長
憂雨雪透荒墳把君詩句高聲讀想得高天也
合聞

贈崔道士

四海兵戈無靜處人家廢業望烽煙九華道士
渾如夢猶向樽前笑揭衣

別舍弟

欲住住不得出門天氣秋唯知偷拭淚不忍更
回頭此日唯愁老况身方遠遊孤寒將五字何
以動諸侯

雪中別詩友

酒寒無小戶請酌滿行杯若待雪消去自然春
到來出城人跡少向暮鳥聲哀未遇應關命侯
門處處開

題嶽麓寺

一簇楚江山江山勝此難覓人來畫取到處得
吟看鶴隱松聲盡魚沉檻影寒自知心未了閑

話亦多端

懷廬嶽寺

長憶在廬嶽免低塵土顏
煮茶窻底水採藥屋
頭山是境皆遊遍誰人不羨閑
無何一名繫引出白雲間

題唐興寺小松

雖小天然別難將衆木同
侵僧半窻月向容滿襟
風枝拂行苔鶴聲分叫砌
蟲如今未堪看須是雪霜中

獻池州牧

池陽今日似漁陽大變又凶年
作小康江路靜來通客貨郡城安
後絕戎裝分開野色收新麥
驚斷鶯聲摘嫩桑縱有逋民歸未得
遠聞仁政旋還鄉

送韋書記

韋杜相逢眼自明事連恩地倍牽情
聞歸帝里愁攀送知到師門話姓名
朝客半修前輩禮古人多重晚年榮
從來有別非無淚未似今朝淚滿纓

獻鄭給事

化行邦域二年春樵唱漁歌日自新未降詔書
酬善政不知天澤答何人秋登嶽寺雲隨步夜
宴江樓月滿身他日朱門恐難掃沙堤新築必
無塵

御溝柳

律到御溝春溝邊柳色新細籠穿禁水輕拂入
朝人日近韶光早天低聖澤勻谷鶯棲未穩宮
女畫難真楚國空搖浪隋堤暗惹塵如何帝城
裏先得覆龍津

贈休禪和

爲僧難得不爲僧僧戒僧儀未是能弟子自知
心了了吾師應爲醉騰騰多生覺悟非關衲一
點分明不在燈祗道詩人無佛性長將二雅入
三乘

送季先輩從知塞上

去草軍書出帝鄉便將城外學戎裝好隨漢將
收胡騎莫遣胡軍近漢疆灑積雪粘旗力重凍
河風揭角聲長此行也是男兒事莫向征人恃
桂香

和友人送弟

君說無家祇弟兄此中言別若爲情干戈鬧日
分頭去山水寒時信路行月下斷猿空有影雪
中孤雁却無聲我今骨肉雖飢凍幸喜團圓過
亂兵

酬張負外見寄

分應天與吟詩老如此兵戈不廢詩生在世間
人不識死於泉下鬼應知啼花蜀鳥春同苦叫
雪巴猿晝共飢今日逢君惜分手一伎何校一
年遲

題道林寺

身未立間終日苦身當立後幾年榮萬般不及
僧無事共水將山過一生

贈質上人

拚坐雲遊出世塵兼無餅鉢可隨身逢人不說
人間事便是人間無事人

涇溪

涇溪石險人兢慎終歲不聞傾覆人却是平流
無石處時時聞說有沉淪

獻新安于尚書

九土雄師竟若何未如良牧與天和月留清俸

資家少歲計陰功及物多四野綠雲籠稼穡千
山明月靜干戈行人耳滿新安事盡是無愁父
老歌

春來燕

我屋汝嫌低不住雕梁畫閣也知寬大須穩擇
安巢處莫道巢成却不安

道一作到

與友人話別

行路行多少于人無易顏未成終老計難放此
身閑月兔走入海日烏飛出山流年留不得半
在別離間

贈廬嶽隱者

自見來如此未嘗離洞門結茅遮雨雪採藥給
晨昏古樹藤纏煞春泉鹿過渾悠悠無一事不
似屬乾坤

懷紫閣隱者

紫閣白雲端雲中有地仙未歸蓬島上猶隱國
門前洞口人無迹花陰鹿自眠焚香賦詩坐星
月冷遙天

題會上人院

鼓角城中寺師居日得閑必能行大道何用在

深山破衲新添線空門夜不關心知與眼見終
取到無間

亂後書事示同志

九土如今盡用兵短戈長戟困書生思量在世
頭俱白畫度歸山計未成皇澤正霑新壯士侯
門不是舊公卿到頭書卷須藏却各向漁樵混
姓名

清溪來明府出二子請詩因遺一絕

珠明玉潤盡驚人
不稱寒門不稱貧
若向吾唐作
雙瑞便同祥鳳與祥麟

送黃補南遷

得罪非天意分明謫去身
一心貪諫主開口不
防人自古有遷客何朝無
直臣喧然公論在難
滯楚南春

送賓貢登第後歸東海

歸捷中華地登船鬢未絲
直應天上桂別有海
東枝國界波窮處鄉心
日出時西風送君去莫
慮到家遲

近試投所知

白髮隨梳落吟懷說向誰
敢辭成事晚自是出

山遲擬動如浮海凡言似課詩終一作身事知已
此外復何爲

中山臨上人院觀牡丹寄諸從事

閑來吟遶牡丹叢花艷人生事畧同半雨半風
三月內多愁多病百年中開當韶景何多英華好
落向僧家即是空一境別無唯此有忍教醒坐
對支公

送友人牧江州

本國兵戈後難官在此時遠分天子命深要使
君知但遂生靈願當應雨露隨江山勝他郡閑

賦庾樓詩

投宣諭張侍郎亂後毘陵遇

此生今日似前生重著麻衣特地行經亂後囊
新卷軸出山來見舊公卿雨籠苔壁吟燈影風
觸蟬枝噪浪聲聞道中興重文物不妨西去馬
蹄輕

辭座主侍郎

一飯尚懷感况攀高桂枝此恩無報處故國遠
歸時祇恐兵戈隔再趨門館遲茅堂拜親後特
地淚雙垂

下第投所知

落第秋生曉鼓初地寒才薄欲何如不辭更寫
公卿卷却是難修骨肉書御苑早鶯啼曉樹釣
鄉春水浸貧居擬離門館東歸去又恐重來事
轉踈

哭方干

何言寸祿不沾身身沒詩名萬古存况有數篇
關教化得無餘慶及兒孫漁樵共壘墳三尺猿
鶴同歸月一村天下未寧吾道喪更誰將酒酹
吟魂

秋日泊浦

一帆塵歇九秋時漠漠蘆花拂浪飛寒浦更無
船並宿暮山時見鳥雙歸照雲烽火驚馬離抱剪
葉風霜逼暑衣江月漸明汀露濕靜驅吟魄人
玄微

別從叔

立馬不忍上醉醒天氣寒都緣在門易直似別
家難世路既如此客心須自寬江村亦飢歎爭
及陷長安

送人遊南

凡遊南國者未有不蹉跎到海路難盡挂帆人
更多潮沙分象跡花洞響蠻歌縱有投文處於
君能幾何

白髮吟

一莖兩莖初似絲不妨驚度少年時幾人亂世
不及此今我滿頭何足悲九轉靈丹那勝酒五
音清樂未如詩家山蒼翠萬餘尺藜杖楮冠輸
老兒

經賈島墓

謫宦自麻衣銜冤至死時山根三尺墓人口數

聯詩仙桂終無分皇天似有私暗松風雨夜空
使老猿悲

秋夜晚泊

一望一蒼然蕭蕭騷起暮天遠山橫落日歸鳥度
平川家是去秋別月當今夕圓漁翁似相伴徹
曉葦叢邊

送舍弟

我受羈棲慣客情方細知好看前路事不比在
家時勉汝言須記聞人善即師旅中無廢業時
作一篇詩

哭陳陶

邾陽山下傷工部採石江邊弔翰林兩地荒墳
各三尺却成開解哭君心

下第寄鄭負外

省出蓬蒿修謁初蒙知曾不見生疎侯門數處
將書薦帝里經年借宅居未必有詩堪諷誦祇
憐無援過吹歎如今足得成持取莫使江湖怯
釣魚

將歸山逢友人

儒爲君子儒儒道不勦孤白髮多生矣青山住

可乎徃狂寧是事巧達又非夫祇此平生願他
人肯信無

哭貝韜

交朋來哭我來歌喜傍山家葬荔蘿四海十年
人殺盡似君埋少不埋多

塞上

旌旗獵獵漢將軍閑出巡邊帝命新沙塞旋收
饒帳幕犬戎時殺少煙塵冰河夜度偷來馬雪
嶺時分獵去人獨作書生疑不穩軟弓輕劍也
隨身

晚春寄同年張曙先輩

莫將時態破天眞，祇合高歌醉過春。
易落好花三個月，難留浮世百年身。
無金潤屋渾閑事，有酒扶頭是了人。
恩地未酬閑未得，一迴醒話一沾巾。

長安春感

出京無計住京難，深入東門轉索然。
滿眼有花寒食下，一家無信楚江邊。
此時晴景愁於雨，是處鶯聲苦却蟬。
公道筭來終達去，更從今日切來年。

登靈山水閣貽釣者

江上見僧誰是了，修齋補衲日勞身。
未勝漁父閑垂釣，獨背殘陽不采人。
縱有風波猶得睡，揔無簑笠始爲貧。
瓦瓶盛酒瓷甌酌，荻浦蘆灣是要津。

贈溧水崔少府

庭戶蕭條燕雀喧，日高窻下枕書眠。
祇聞留客教酤酒，未省逢人說料錢。
洞口禮星披鶴氅，溪頭吟月上漁船。
九華山叟心相許，不計官卑贈一篇。

夏日題悟空上人院

三伏閉門披一衲兼無松竹蔭房廊安禪不必
須山水滅得心中火自涼

過九華費徵君墓

凡弔先生者多傷荆棘間不知三尺墓高却九
華山天地有何外子孫無亦閑當時若徵起未
必得身還

溪居叟

溪翁居靜處溪鳥入門飛早起釣魚去夜深乘
月歸見君無事老覺我有求非不說風霜苦一

冬一草衣

與友人對酒吟詩

憑君滿酌酒聽我醉中吟客路如天遠侯門似
海深新墳侵古道白髮戀黃金共有人間事須
懷濟物心

送僧

道了今未了言閑今且閑從來無住處此去向
何山片石樹陰下斜陽潭影間請師留偈別恐
不到人寰

讀張僕射詩

曾應舉不及
投筆領郡

秋吟一軸見心骨萬象搜羅景欲空才大却嫌
天上桂世危翻立陣前功廉頗解武文無說謝
眺能文武不通雙美摠輸張太守二南章句六
鈞弓

題所居村舍

家隨兵盡屋堂存稅額寧容減一分衣食旋營
猶可過賦輸長急不堪聞蠶無夏織桑充寨田
廢春耕犢犒軍如此數州誰會得殺民將盡更
邀勲

戲題王處士書齋

先生高興似樵漁水鳥山猿一處居石徑可行
苔色厚釣竿時斫竹叢踈欺春祗愛和醅酒諱
老猶看夾注書莫道無金空有壽有金無壽欲
何如

送九華道者遊茅山

忽起地仙興飄然出舊山於身無切事在世有
餘閑日月浮山外軋坤大醉間故園華表上誰
得見君顏

江上送韋彖先輩

不易爲離抱江天即見鴻暮帆何處落涼月與

誰同木葉新霜後
漁燈夜浪中
時難慎行止
吾道利于窮

維陽逢詩友張喬

天下方多事
逢君得話詩
直應吾道在
未覺國風衰
生計吟消日
人情醉過時
雅篇三百首
留作後來師

秋晨有感

木葉落時節
旅人初夢驚
鐘纔枕上盡
事已眼前生
吟髮不長黑
世交無久情
且將公道約
未忍便歸耕

秋日山中寄李處士

吾輩道何窮
寒山細雨中
兒童書懶讀
菓栗樹將空
言論關時務
篇章見國風
昇平猶可用
應不廢爲公

早發

東窻未明塵
夢蘇吁童結
束登征途
落葉鋪霜
馬蹄滑寒猿
哭月人心孤
時逆帽簷風
刮項旋呵鞭
手凍和鬚青
雲快活一未
見爭得安閑
釣五湖

題仇處士郊居

處士棄官一居

江南景簇此林亭手板藍裾自可輕洞裏客來
無俗話郭中人到有山情閑敲巖果呼猿接時
釣溪魚引鶴爭笑我有詩三百首馬蹄紅日急
於名

依韻酬同年張曙先輩見寄之什

天下詩名天下傳引來齊列玉皇前大仙錄後
頭無雪藥至成來竈絕煙笑躡紫雲金作闕夢
拋塵世鐵爲船九華山叟驚凡骨同到蓬萊豈
偶然

經嚴陵釣臺

蒼翠雲峰開俗眼泓澄煙水浸塵心唯將道業
爲芳餌釣得高名直至今

亂後過李昭象叙別

李生李生何所之家山宰雲胡不歸兵戈到處
弄性命禮樂向人生是非却與野猿同橡塢還
將溪鳥共漁磯也知不是男兒事爭柰時情賤
布衣

贈題兜率寺閑上人院

人間寺應諸天號真行僧禪此寺中百歲有涯
頭上雪萬般無染耳邊風挂帆波浪驚心白上

馬塵埃翳眼紅畢竟浮生湯勞役筭夾何事
歸空

關試後筵上到同人

日午離筵到夕陽明朝秦地與吾鄉同年多是
長安客不信行人空斷腸

杜荀鶴文集卷第二

杜荀鶴文集卷第二

唐風集

雜詩

別四明尚書

九華天際碧嵯峨無柰春來入夢何難與英雄
論教化却思猿鳥共煙蘿風前柳態開時少雨
後花容淡處多都大人公有離別且將詩句代
離歌

題護國大師塔

莫認雙林是佛林禪棲無地亦無金塔前禮盡
灰來相衲下誰宗即了心笠象胤明雙不見線

源分派寸難尋吾師覺路餘知處大藏經閑一
夜吟

春日山中對雪有作

竹樹無聲或有聲霏霏漠漠散還凝嶺梅謝後
重粧葢巖水鋪來却結冰牢繫鹿兒防獵客滿
添茶鼎候吟僧好將膏雨同功力松徑莓苔又
一層

晚泊金陵水亭

江亭當廢國秋景倍蕭騷夕照殘荒壘寒潮漲
古濠就田看鶴大隔水見僧高無限前朝事醒

吟易覺勞

錢塘別羅隱

故國看看遠前程計在誰五更聽角後一葉渡
江時吾道天寧喪人情日可疑西陵向西望雙
淚爲君垂

馬上作

五里復五里去時無住時日將家漸遠猶成馬
行遲

山中貽同志

君貧我亦貧爲善喜爲隣到老如今日無心愧

古人閉門非傲世守道是謀身別有同山者其
如未可親

秋日懷九華舊隱

吾道在五字吾身寧陸沉涼生中夜雨病起故
山心燭共寒酸影蝨添苦楚吟何當遂歸去一
徑入松林

鷓鴣

一般毛羽結羣飛兩岸煙汀好景時深水有魚
啣得出看來却是鷺鷥飢

江岸秋思

驅馬傍江行鄉愁步步生舉鞭揮柳色隨手失
蟬聲秋稼綠長道寒雲約古城家貧過豐歲無
地可歸耕

哭劉德仁

賈島還如此生前不見春豈能詩苦者便是命
羈人家事因吟失時情礙國親多應啣恨骨干
古不爲塵

山中對雪有作

一混乾坤萬象收唯應不壅大江流虎狼遇獵
難藏迹松栢因風易舉頭玉帳英雄攜妓賞山

村鳥雀共民愁豈堪久蔽蒼蒼色須放三光照九州

和友人見題山居水閣八韻

池閣初成眼豁開眼前霽景屬微才試攀簷菓
猿先見纔把漁竿鶴即來修竹已多猶可種艷
花雖少不勞栽南昌一榻延徐孺楚國千鐘逼
老萊未稱執鞭奔紫陌惟宜策杖步蒼苔籠禽
豈是摩霄翼潤木元非澗下材鑿已每將天作
鏡陶情常似海爲杯和君詩句吟聲大蟲豸聞
之謂螿雷

經青山弔李翰林

何爲先生死先生道日新青山明月夜千古一
詩人天地空銷骨聲名不傍身誰移邾陽塚來
此作吟隣

下第東歸別友人

不得同君住當春別帝鄉年華落第老岐路出
關長芳草綠流水殘花向夕陽懷親暫歸去非
是釣滄浪

秋宿詩僧雲英房因贈

賈島憐無可都緣數句詩君雖是後輩我謂過

當時溪浪和星動松陰帶鶴移同吟到明坐此
道淡誰知

獻錢塘縣羅著作判官

還鄉夫子遇賢侯撫字情知不自由莫把一名
專懊惱放教竹馬絕冤讎猩袍懶著辭公宴鶴
擎閑披訪道流猶有九華知己在美君高卧早
回頭

遣懷

驅馳岐路自營營祇爲人間利與名紅杏園中
終擬醉白雲山下懶歸耕題橋每念相如志佩

印當期季子榮謾道疆親甚倚賴到頭須是有
前程

長安道中有作

迴頭不忍看羸僮一路行人我最窮馬跡蹇於
槐影裏釣船拋在月明中帽簷曉滴淋蟬露衫
袖時飄卷雁風子細尋思底模樣騰騰又過玉
關東

題開元寺閣

一登高閣眺清秋滿目風光盡勝遊何處畫絳
尋淥水幾家鳴笛咽紅樓雲山已降應長在歲

月如波祗暗流唯有禪居離塵俗了無榮辱挂
心頭

出關投孫侍御

東歸還著舊麻衣爭免花前有淚垂每歲春光
九十日一生年少幾多時青雲寸祿心耕早明
月仙枝分種遲不爲感恩酬未得五湖閑作釣
魚師

送項山人歸天台

因話天台歸思生布囊藤杖笑離城不教日月
拘身事自與煙蘿結野情龍鎮古潭雲色黑霞

淋秋檜鶴聲清此中是處堪終隱何要世人知
姓名

題衡陽隱士山居

閑居不問世如何雲起山門日已斜放鶴去尋
三島客任人來看四時花松醪臘醞安神酒布
水宵煎覓句茶畢竟金多也頭白筭來爭得似
君家

題江寺禪和

江寺禪僧似悟禪壞衣芒屐任茅軒懶求施利
修真像翻說經文是妄言出浦釣船驚宿雁伐

巖樵斧迸寒猿行人莫問師宗旨眼不浮花耳
不喧

題弟姪書堂

何事居窮道不窮亂時還與靜時同家山雖在
兵戈地弟姪常修禮樂風窻竹影搖書案上野
泉聲入硯池中少年辛苦終身事莫向光陰惰
寸功

和友人寄長林孟明府

爲政爲人漸見心長才聊屈宰長林莫嫌月入
無多休須喜秋來不廢吟寒雨旋踈叢菊艷晚

風時動小松陰訟庭閑寂公書少留客看山素
酒斟

戲贈漁家

見君生計羨君閑求食求衣有底難養一箔蠶
供釣線種千莖竹作漁竿葫蘆杓酌春濃酒舴
艋舟流夜漲灘却笑儂家最辛苦聽蟬鞭馬入
長安

登城有作

上得孤城向晚春眼前何事不傷神遍看原上
累累塚曾是城中汲汲人盡謂黃金堪潤屋誰

思荒骨便成塵一名一宦平生事不放愁侵筭
過身

秋日山中寄池州李常侍

近來參謁陡生疎因向雲山僻處居出爲羈孤
管糲食歸同弟姪讀生書風凋古木秋陰薄月
滿寒山夜景虛但得中興知己在筭應身未老
樵漁

辭楊侍郎

春在門闌秋未離不因人薦祇因詩半期賓館
成前事一日侯門失舊知霜島樹彫猿叫夜湖

田穀熟雁來時西風萬里東歸去更把愁心說
向誰

題汪氏茅亭

茅亭客到多稱竒茅亭之上難題詩出塵物景
不可狀小手篇章徒爾爲牛畔稻苗新雨後鶴
遶松韻晚風時君今酷愛人間事爭得安閑老
在茲

送人宰吳縣

海漲兵荒後爲官合動情字人無異術至論不
如清草履隨船賣綾梭隔岸鳴唯持古人意千

里贈君行

讀友人詩

君詩通大雅吟覺古風生外却浮華景中含教化情名應高日月道可潤公卿莫以孤寒耻孤寒達更榮

登山寺

山半一山寺野人秋日登就中偏愛石獨上最高層有菓猿搖樹無齋鴿看僧儒門自多事來此復何能

辭九江李郎中入關

帝里無相識何門跡可親願開言重口薦與分深人卷許新詩出家憐舊業貧今從九江去應免更迷津

江南逢先輩

李杜復李杜彼時逢此時干戈侵帝里流落向天涯歲月消於酒平生斷在詩懷才不得志祇恐滿頭絲

秋日寄吟友

閑坐細思量唯吟不可忘食無二畝地衣絕一株桑蟬樹生寒色漁潭落曉光青雲舊知己未

許釣滄浪

江上與從弟話別

相逢盡說歸早晚
遂歸期流水多通處
孤舟少住時
干人不得已非我欲爲之
及此終無愧其如道在茲

送友人遊南海

南海南邊路君遊
祇爲貧山川多少地
郡邑幾何人
花鳥名皆別寒暄氣不均
相期早晚月莫待瘴侵身

讀諸家詩

辭賦文章能者稀
難中難者莫過詩
直應吟魄無生死
祇我前身是阿誰

贈聶尊師

詩道將仙分求之不可求
非關從小學應是數
生修蟾桂雲梯折
熬山鶴駕遊他年兩成事
堪喜是隣州

宿村舍

野人於我有何情
半掩柴門向月明
深夜欲眠眠未著
一叢寒木一猿聲
喜從弟雪中遠至有作

深山大雪懶開門門逕行蹤自爾新無酒禦寒
雖寡况有書共讀且資身便均情愛同諸弟莫
更生踈似外人晝短夜長須強學學成貧亦勝
他貧

題新雁

暮天新雁起汀洲紅蓼花踈水國秋想得故園
今夜月幾人相憶在江樓

送僧歸國清寺

吟送越僧歸海涯僧行渾不覺程賒路沿山脚
潮痕出暉倚松根日色斜撼錫度崗猿抱樹挈

瓶盞浪鷺翹沙到參禪後知無事看引秋泉灌
藕花

題汪明府山居

不似當官祇似閑野情終日不離山方知薄宦
難拋棄多與高人作往還牛笛慢吹煙雨裏稻
田平入水雲間美君公退歸歌枕免向他門厚
客顏

下第東歸將及故園有作

平生操立有天知何事謀身與志違上國獻詩
還不遇故園經亂有空歸山城欲暮人煙斂江

月初寒釣艇稀且把風寒作閑事懶能和淚拜
庭闈

宿東林寺題願公院

古寺沉沉僧未眠
搭願將客說閑緣
一溪月色非塵世
滿洞松聲似雨天
簷底水涵抄律燭
窻間風引煮茶煙
無由任得吟相伴
心繫青雲十五年

山居自遣

茅屋周回松竹陰
仙翁時挈酒相尋
無人開口不言利
有我白頭空愛吟
月在釣潭秋睡重
雲

橫樵逕野情深
此中一日過一日
有底閑愁得到心

贈友人罷舉赴辟命

連天一水浸吳東
拾幅帆飛二月風
好景採拋詩句裏
別愁驅入酒杯中
漁依岸柳眠圓影
鳥傍巖花戲暖紅
不是桂枝終不得
自緣年少好從戎

亂後旅中遇友人

念子爲儒道未亨
依依心向十年光
莫因亂世輕依託
須學前賢隱姓名
大國未知何日靜
舊

山猶可入雲耕不如自此同歸去帆挂秋風一
信程

旅感

白髮根叢出鑷頻愁不開自憐空老去誰信苦
吟來客路東西濶家山早晚回翻思釣魚處一
雨一層苔

寄益陽武灌明府

縣稱詩人理無嫌日寂寥溪山入城郭戶口半
漁樵月滿彈琴夜花香漉酒朝相思不相見煙
水路迢迢

湘中秋日呈所知

四海無寸土一生惟苦吟虛垂異鄉淚不滴別
人心木色凋湘樹灘聲下塞禽求歸歸未得
是擲光陰

離家

丈夫三十身如此瘦馬離鄉懶著鞭槐柳路
愁殺我一枝蟬到一枝蟬

苦吟

世間何事好最好莫過詩一句我自得四片人
已知生應無輟日死是不吟時始擬歸山去林

泉道在茲
觸目生歸思
那堪路七千
臘中離此地
馬上見
明年郡邑溪山
巧寒暄日月偏
自疑雙鬢雪不
似到南天

塞上戰士

戰士說辛勤
書生不忍聞
三邊遠天子
一命信
將軍野火燒
人骨陰風捲
陳雲其如禁
城裏何
以重邀勲

春日訪獨處士

地僻春來靜
深宜長者居
好花都大晚
修竹不妨
踈雁入湘江
食人侵曉色
鋤似君無學
處頭
白道如初

哭友人

病向名場得
終爲善悞身
無兒承後嗣
有女託
何人葬禮難
求備交情好
者貧唯餘舊
文集一
覽一沾巾

旅舍遇雨

月華星彩坐
來收嶽色
江聲暗結愁
半夜燈前
十年事一時
和雨到心頭

新栽竹

斲破蒼苔色因栽十數莖
窻風從此冷詩思
但時清酒入杯中影
棊添局上聲不同
桃與李
灑伴書生

贈休糧僧

自言因病學休糧
本意非求不死方
從有至人傳道術
更無齋客到禪房
雨中林鳥歸巢晚
雲後巖猿拾橡忙
爭似吾師無一事
穩披雲衲坐藤牀

送吳蛻下第入蜀

下第言之蜀那愁
舉別孟難兄方在幕
上相復憐才鳥徑盤
春靄龍湫發夜雷
臨邛無久戀高
柱待君回

亂後山居

亂世居山谷征輦喜不聞
詩書猶滿架弟姪未
爲軍山犬眠紅葉樵童唱
白雲此心非此志
擬致明君

題著禪師

大道本無幻常情自有魔
人皆遠著此師獨悟
如何爲嶽開窻濶因蟲長
草多說空空說得空

得到如何

和劉評事送海禪和歸山

柄外元無象言尋那路尋問禪將底說傳印得
何心未了羣山淺難休一室深伏魔寧是獸巢
頂亦非禽觀色風驅霧聽聲雪灑林凡歸是歸
處不必指高岑

維陽春日再遇孫侍御

本爲營家不爲身讀書誰料轉家貧三年行却
千山路雨地思歸一主人絕岸柳絲懸細雨繡
田花朶弄殘春多情御史應嗟見未到青雲白

髮新

亂後宿南陵廢寺寄沈明府

祇共寒燈坐到明塞鴻衝雪一聲聲亂時爲客
無人識廢寺吟詩有鬼驚且把酒杯添志氣已
將身事託公卿男兒仗劍恩酬在未肯徒然過
一生

投鄭先輩

匣中長劍未酬恩不遇男兒不合論悶向酒杯
吞日月閑將詩句問乾坤寧辭馬足勞關路肯
爲漁竿憶水村兩鬢欲班三百首更教裝寫傍

誰門

途中有作

無論南北與西東
名利牽人處處同
枕上事仍多
馬上山中心更甚
關中川原晚結陰
沉氣草樹秋生索
漠風百歲此身如
且健大難閑作
雲翁

和舍弟題書堂

兄弟將知大白強
亂時同葺讀書堂
巖泉遇多還
閑溪竹唯風少
即涼籍草醉吟花
片落傍山閑步
藥苗香團圓便是
家肥事何必盈倉
與

滿箱

送蜀客遊維陽

見說西川物景繁
維陽物景勝西川
青春花柳樹臨水
白日綺羅人上船
夾岸畫樓難惜醉
橋明月不教眠
送君懶問君迴日
才子風流正少年

旅寓

暗筭鄉程隔數州
欲歸無計淚空流
已違骨肉來時約
更束琴書何處遊
畫角引風吹斷夢
垂楊和雨結成愁
去年今日還如此
似與青春有

舊讎

途中春

年光身事旋成空
必竟何門遇至公
人世鶴歸雙鬢上
客程蛇遶亂山中
牧童向日眠春草
漁父隈巖避晚風
一醉未醒花又落
故鄉回首楚關東

送人歸淝上

巢湖春漲喻溪深
纔過東關見故林
莫道南來
忽無利水亭山寺
二年吟

春日閑居即事

未得青雲志
春同秋日情
花開如葉落
鶯語似蟬鳴
道合和貧守
詩堪與命爭
飢寒是吾事
斷定不歸耕

自遣

糲食麤衣隨分過
堆金積帛欲如何
百年身後一堆土
貧富高低爭幾多

維陽冬末寄幕中二從事

江上數株桑棗樹
自從離亂更荒涼
那堪旅館經殘臘
祇把空書寄故鄉
典盡客衣三尺雪
鍊精詩句一頭霜
故人多在芙蓉幕
應笑孜孜道

未光

聞子規

楚天空濶月成輪蜀魄聲聲似告人啼得血流
無用處不如緘口過殘生

秋宿棲賢寺懷友人

一宿三秋寺閑忙與曉分細泉山半落孤客夜
深聞鶴去巢盛月龍潛穴擁雲苦吟方見景多
恨不同君

辭鄭負外入關

男兒三十尚蹉跎未遂青雲一桂科在客易爲

鎖歲月到家難住似經過帆飛楚國風濤濶馬
渡藍關雨雪多長把行藏信天道不知天道竟
如何

書齋即事

時清祗合力爲儒不可家貧與善踈賣却屋邊
三畝地添成窻下一床書沿溪摘菓霜晴竹
竹吟詩月上初鄉里老農多見笑不知稽古
耕鋤

雋陽道中

客路客路何悠悠蟬聲向背槐花愁爭知百歲

不百歲未合白頭今白頭四五朵山粧雨色兩
三行雁帖雲秋輸他江上垂綸者祇在船中老
便休

亂後再逢汪處士

如君直道者高世有閑情每別不知處見來長
後生藥非因病服酒不爲愁傾笑我終身苦吟
髭白數莖

山中喜與故交宿話

遠地能相訪何慙事力微山中深夜坐海內故
交稀村酒沾來濁溪魚釣得肥貧家只如此未

可便言歸

入關因別舍弟

吾今別汝汝聽言去任情懷足可安百口度荒
均食易數年經亂保家難莫愁寒族無人薦但
願春官把卷看天道不欺心意是帝鄉吾土一
般般

贈彭蠡釣者

偏坐漁舟出葦林葦花零落向秋深祇將波上
鷗爲侶不把人間事繫心傍岸歌來風欲起卷
絲眠去月初沉若教我似君閑散贏得湖山到

老吟

送友人入關

此去青雲莫便疑，出人才行足人知。况當朝野
搜賢日，正是孤寒取事時。仙島煙霞通鶴信，早
春雷雨與龍期。我今不得同君去，兩鬢霜欺桂
一枝。

送友宰潯陽

高興那言去路長，非君不解愛潯陽。有時猿鳥
來公署，到處煙霞是道鄉。釣艇滿江魚賤菜紙
空，連嶽楮多桑陶潛舊約依稀在，好繼高蹤結

草堂

秋日卧病

浮世浮名能幾何，致身流落向天涯。少年心壯
輕爲客，一日病來思在家。山頂老猿啼古木，渡
頭新雁下平沙。不堪吟罷西風起，黃葉滿庭寒
日斜。

叙吟

多慚到處有詩名，轉覺吟詩僻性成。度水却嫌
船著岸，過山翻恨馬貪程。如讎雪月年年景，似
夢笙歌處處聲。不合白頭今已白，自知非爲別

愁生

行次滎陽却寄諸弟

難把歸書說遠情奉親多闕拙為兄早知寸祿

榮家晚悔不深山共汝耕枕上筭程關月落帽

前搜景嶽雲生如今已作長安計祇得辛勤取

一名

登石壁禪師水閣有作

石壁早間僧說好今來偏與我相宜有山有水

堪吟處無雨無風見景時漁父晚船分浦釣牧

童寒笛倚牛吹畫人畫得從他畫六幅應書八

句詩

秋夜苦吟

吟盡三更未著題竹風松雨共淒淒此時若有

人來聽始覺巴猿不解啼

秋夜聞砧

荒涼客舍眠秋色砧杵家家弄月明不及巴山

聽猿夜三聲中有不愁聲

贈祖肩

山衣草履染莓苔雙眼猶慵向俗開若把吾師

居世上何如野客卧巖隈才聞錫杖離三楚又

說隨緣向五臺乘醉吟詩問禪理爲誰須去爲
誰來

觀碁

對面不相見用心同用兵弄人常欲殺顧已自
負生得勢侵吞遠乘危打劫羸有時逢敵手當
局到深更

人來難閑居即事不難
衫覺清羸道覺肥竹門莎徑靜相宜一壺村酒
無求處數朵庭花見落時章句偶爲前輩許話
言多被俗人疑一枝仙桂如攀得祇此山前是

女期

送人宰德清

亂世人多事耕桑或失時不聞寬賦歛因此轉
流離天意未如是君心無自欺能依四十事可
立德清碑

自叙

酒甕琴書伴病身熟諳時事樂於貧寧爲宇宙
閑吟客怕作乾坤竊祿人詩旨未能忘救物世
情柰值不容真平生藏腑無言處白髮我唐一
逸人

再經胡城

去歲曾經此縣城縣民無口不冤聲今來縣宰
加朱紱便是生靈血染成

空閑二公遞以禪律相鄙因而解之

一教誰云闢二途律禪禪律智歸愚念珠在手
隨禪衲禪衲披肩懷念珠象外空分空外象無
中有作有中無有無無有師窮取山到平來海
亦枯

寄竇處士

淖水醉中別別來猶未醒半生因酒廢大國幾

寧海畔將軍柳天邊處士星遊人不可見春

亂山青

寄温州朱尚書并呈軍倅崔太博

嘉名郡昔推名連屬荀家弟與兄教化靜師

六渤海篇章高體謝宣城山從海岸粧吟景水

自城根演政聲今日老輸崔博士不妨踈逸伴

雙旌

題歷山舜祠

山有廟呼爲帝二子
多變妖異爲時所敬

昔舜曾耕地遺風日寂寥世人那肯祭大聖不
與妖殿宇秋霖壞杉松野火燒時訛贄淫祀絲

竹醉山魘

恩門致書遠及山居因而獻之

時難轉覺保身難難向師門欲繼顏若把白衣
輕易脫却成青桂偶然攀身居劔戟爭雄地道
在乾坤未喪間必許酬恩酬未得且須容到九
華山

寄温州崔博士

懷君勞我寫詩情窈窕陰風有鬼聽縣宰不仁
工部餓酒家無識翰林醒眼昏經史天何在心
盡英雄國未寧好向賢侯話吟侶莫教辜負少

微星

李昭象云與二三友同見訪

得君書後病顏開云拉同人訪我來在路不妨
衝雨雪到山還免踏塵埃沉吟水閣何宵月坐
破松巖幾處苔貧舍款賓無別物止於空戰大
尊壘

將過湖南經馬當廟因書三絕

人說馬當波浪險我經波浪似通衢大凡君子
行藏是自有神龍衛過湖
貪殘官吏虔誠謁毒害商人瀝膽過祇怕馬當

